



सानसेयारि **“बड'सा”** ख्रीरालाइयाव
खमाजयारि जिज्जो लोब्बा थानाय रायथाय, खन्थाय,
खल', खल'बाथा आबो दावबायारि थावनि, पार्क
बाइदिनि स्यायव लिन्नाय लिन्निदां हैथाय डर/
खानसेयारि **“बड'सा”** ख्रीरालाइया सेबखानाबै
फोसावगोन/
बड'सायाव लिन्निदायनि हुडा खालाम,
“बड'सा” ख्री नोथां, जौ बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 10 September, 2025 Kokrajhar, BTC, Assam ★ Vol.-35, Issue No.167 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

भारतनि गोदान लेडइ हातगिरि महै सिपि राधाकृष्णनआ सायख' जाबाय

गोदान दिल्ली, 9 सेप्टेम्बर:
भारतनि गोदान लेडइ हातगिरि
महै चि पि राधाकृष्णनआ
सायख' जाबाय। इन्डियान
मर्चानि लेडइ हातगिरि
मासिनि बिजाथि डि सुदर्शन
रेड्दिन हेंथायै एनडिएनि लेडइ
हातगिरि मासिनि बिजाथि सि
पि राधाकृष्णनआ देरहाबाय।
मख'नो गोनांदि, 16
बोसोरल'आव आरएसएसआव
हाबनाय चन्द्रपुरम पन्थुवामि
राधाकृष्णनआ भारतनि लेडइ
हातगिरि जासिगोन। 1957



माइथायनि 20 अक्ट'बरआव
तामिलनाडुनि तिरुपुरआव
जोनोम मोन्नाय सि पि
राधाकृष्णनखौ लेडइ हातगिरि
मासिनि बिजाथि महै खुंथायव
थानाय एनडिएआ
सायख'दोंमोन। जोबथारनायव
बेरखा दोलोन बिजाथि आजिरा
मोन्नाय बिजिरगिरि बि सुदर्शन
(□ 6 बिलाइआव)

9 सेप्टेम्बरआव जथुमनाय केबिनेटनि थांखिफोर

दिसपुर, 9 सेप्टेम्बर: गिबि
मन्थि ऊ हिमन्त बिश्व शर्माआ
दिनै सुबुं सिबिथाइ न'युंआव
खुंनाय मन्थि आफादिनि
जथुम्माखौ दैदेनो। बे
जथुम्मायाव लानाय थांखिफोर
जाबाय- राइज्यो सरकारनि
केबिनेटआ हिमाचल प्रदेशआव
अखा हानायनि जाहोनाव
सोमजिनाय मिथिंगायारि
खैफोदिन समआव ख'हा
जानायजौ जुजिनो थाखाय गिबि
मन्थिनि राइज्योआरि हरखाब
सिबिथाइ बिथांखिनिफ्राय
“हिमाचल प्रदेशनि गिबि मन्थि
हेफाजाब फान्ड” आव 5 कौटि



गिबि मन्थिआ दुर्गा फुजानि सिगां-सिगां गुवाहाटीनि लामाफोरखौ फाहामनो बिथोन होदों

दिसपुर, 9 सेप्टेम्बर: सुबुं सिबिथाइ न'युंनि
सावराय न'ब्लाडव दिनै खुंनाय मोनसे सावराय
मेलाव गिबि मन्थि ऊ हिमन्त बिश्व शर्माआ
थाखाय गिबि मन्थिआ गोखों बिथोन होदों।
गुवाहाटी नोगोरमनि फुटपाट लामाफोरखौ फैगौ
दुर्गा फुजानि सिगां-सिगां बन्द' एबा फाहामफिन्तो
थाखाय पिडब्लिउडि बिफानखौ बिथोन होदों।
बे खामानिखौ गाहायै नोजोर होनानै दैदेनो
सावराय गिबि मन्थिआ गोखों बिथोन होदों।
सावराय मेलाव गिबि मन्थिआ साखोन-
सिखोन खालामनो (□ 6 बिलाइआव)

रानि राडरि हेफाजाब होनाय
थांखियाव गनायथि होयो।
आसाम फाहामथाइ सोलेंथाइ
सामलायख'नि सिडव थानाय
जखत मेडिकल कलेज आरो
फाहामसालिजों लोगोसे
सावस्त्रि सिबिथाइ
सामलायख'नि सिडव थानाय
मडेल देहा फाहामसालिफोरव
बिबान सामलायबाय थानाय सा
20 फिजियटेरापिस्ट, स्पिच
टेरापिस्ट, अडिटर आरो
रानगिरिनि दान बान्था सोमोन्दै
सोदांनय बिलआव गनायथि
होयो। बे थांखिनि जाहोनाव
बिसोरो गुबुन-गुबुन बिफानाव
थिसन्थाइ मोन्नो हानाय
मावफारियाफोरजों समान-
समान दान बान्था मोन्नो
(□ 6 बिलाइआव)

राइज्यो बेंगिरिआ बिआइएमएसटिडिसि लाइमोन दैदेनगिरि जथुम्मा 2025 खौ बेखेवबाय लाइमोनफोरा आबहावा सोलायनाय, मिथिंगायारि खैफोद आरो आबहावा गाजि जानाय बायदि मुलुगनां जेनाफोरजों मोगा-मोगि जानांगौ: राइज्यो बेंगिरि

गुवाहाटी, 9 सेप्टेम्बर:
आसामनि राइज्यो बेंगिरि लक्ष्मन
प्रसाद आचार्यआ दिनै
गुवाहाटीनि मोनसे हटेलआव
लैथो सेर बेंगल ओन्सोलनि
जाखांफुबोनाय दैदेनगिरिफोरनि
मोनसे जथुम्मा
बिआइएमएसटिडिसि लाइमोन
दैदेनगिरि जथुम्मा 2025 खौ
बेखेवो। बे जथुम्माखौ भारत
सरकारनि मिनिस्ट्री अफ
एक्सटर्नल एफियार्सनि सिडव
थानाय भारतआरि स्काउटस एन्ड
गाइडसआ बान्जायदों।
थान्दैफोरखौ थांखिनानै राइज्यो
बेंगिरि आचार्य बिथाडा बे
जथुमखौ सानस्त्रिफोरनि
गोरोबलायनाय, हरिमुफोरनि
फालिथाय आरो इयुननि
(□ 6 बिलाइआव)



14 सेप्टेम्बरआव गाहाइ मन्थि नरेन्द्र मदिनि दरं दावबायगोननि साखा-फारा

गाहाइ मन्थिआ गोबां बिथांखिफोरनि अन्थाइ खाम्फा गायसनगोन

दिसपुर, 9 सेप्टेम्बर: गिबि मन्थि ऊ हिमन्त बिश्व
शर्माआ दिनै दरं जिल्लानि मंगलदैआव नुजाथिहेनानै
गाहाइ मन्थि नरेन्द्र मदिआ दरं दावबायफैगोन
हाबाफारिनि साखा-फाराथिनि खौरां लाहैयो। गिबि
मन्थिआ दरं फाहामथाइ फरायसालिमा आरो
फाहामसालिनि लांगोनायाव खुंजानो गोनां गाहाइ
जौसांखौ नायगिदिहैयो आरो जिल्ला खुंथाइजों
लोगोसेनो बिबानाव थिसनजानाय बिबानगिरिफोरजों
मोनसे गोनांथार हाबाफारिनि गेजेरजों गाहाइ मन्थि
दावबायफैगोननि गुबुन-गुबुन बिथिनि सोमोन्दै गुवाँ

सावरायो। बे सावरायलायनाय समआव गिबि
मन्थि ऊ शर्माआ मेलाव बाहागो लाफैनो
गोनां राइजो-राजाफोरनि थाखाय नांगो
जानायबायदियै लोंग्रा दैन रहा लानाय, गारि
पार्किनि रहा खालामनाय, हरखाब रहा
खालामनाय, गुदि फाहामथाइनि खाबु
बायदिफोरखौ नांगोब्लानो मोन्नो हानाय बायदि
खालामनो थाखाय खुंथाइखौ बिथोन होयो।
गाहाइ मन्थिनि हाबाफारिनि समआव जाहाथे
मेलनि साखाथियाव (□ 6 बिलाइआव)

मादूझारआव एसएसबिनि 10 सान भकेसनेल ट्रेनिं बादा

सा 30 आइजोफोरनो हांसो-दाव फिसिनायनि फोरेंथायखौ बेखेवबाय

सालबारि, 9 सेप्टेम्बर: बाक्सा
जिल्ला सालबारि महकुमानि
सिडव थानाय आरो मानास
माहारियारि पार्किनि साखाथि
मादूझार कमिउनिटि हलआव
54 बिएन एसएसबि, बिजनीनि
बान्जायनायाव संस्कार
बेलफेयार एकाडेमिनि
हेफाजाबाव नोगोरारि अन्साय
हाबाफारिनि गेजेरजों
आइजोफोरनि गेजेरव मोनसे
(□ 6 बिलाइआव)



फकिराग्रामाव जिएसपि बिजाथिनि बिसायख'थि मावखुलिखौ सावदों

कक्राझार, 9 सेप्टेम्बर:
बिटिसि बिसायख'थिया
खुंजानो खाथि सौफैनाय लोगो
लोगोनो बिटिसिनि माखासे
बियाबफोराव माखासे
दुथांफोरनि गेजेरजों हिंसायारि
जाथाय सोमजिनाया सोराडव
फैदों। मख'नो गोनांदि,
कक्राझार जिल्लानि फकिराग्राम
गौथुमार बियाबाव थांनाय हरव
सोरबा सिनायथिनो मोनै दुथां
सुबुंफोरा बियाबनि जिएसपि
दोलोनि फसंजानाय बिजाथिनि
आरायथा नडै मोनसे
बिसायख'थि मावखुलिखौ अर
सावनानै होयो। बे जाथायखौ
लानानै गोखों रवजों सोंखारिदों
बियाबनि जिएसपिनि बिजाथि
सुकुमार देबनाथआ। बिथाडा
सुबुंखान्थि बिसायख'थि
(□ 6 बिलाइआव)

कक्राझारआव फैगौ 13 सेप्टेम्बरआव माहारियारि लक आदालट खुंगोन

कक्राझार, 9 सेप्टेम्बर:
माहारियारि आइन सिबिथाय
बिफाननि बिथोन बादिदै फैगौ
13 सेप्टेम्बर, 2025
अक्ट'खालि कक्राझार जिल्ला
आइन सिबिथाय बिफाननि
बान्जायनायाव माहारियारि लक
आदालट खुंनाय जागोन। बे
लक आदालटआव कक्राझार
जिल्लानि गुबुन गुबुन बैंक,
(□ 6 बिलाइआव)

एमएलए चरन बर'आ पासनै सेरफां बियाबनि बिसायख'थि मावख' बेखेवदों

उदालगुरि, 9 सेप्टेम्बर:
उदालगुरि जिल्लानि माजबाट
टाउनआव 39 नं पासनै सेरफां
बियाबनि अरायथा नडै
बिसायख'थियारि फोसावदिं
मावख'खौ बिपिएफ दोलोन
बिजाथि स्याम सुन्दिजों लोगोसे
दोलोनि मावफारिया आरो
हेफाजाबगिरिफोरनि
नुजाथिनायाव 47 नं माजबाट
बिधान सभा बियाबनि
एमएलए चरन बर'आ
बेखेवनानै होयो। लोगोसे बे
हाबाफारियावनो गोबां गोदान-



गोदान गुबुन-गुबुन
दोलोनिफ्राय हाबफैनाय
सोदोमाफोरखौ एमएलएआ
बिपिएफ दोलोआव दुबुदयै
बरायो। हाबाफारियाव 2000
निफ्रायबो बांसिन सुबुंफोरनि

नुजाथिनाया बेखौनो रोखा
(□ 6 बिलाइआव)

सरुपेतायाव शंकर ठकुरिया फुटबल बादायलायनाय

उपरनै फुटबल क्लाबआ
उननि राउन्डआव

श्वानिपुर, 9 सेप्टेम्बर: सरुपेता
आन्सलिक गेलेमु आफादिनि
बान्जायनायाव सरुपेता गोर्जौ
फरायसालि गेलेग्रा फोथाराव
खुंजाव थानाय शंकर ठकुरिया
गोसोखांथि फुटबल
बादायलायनायनि दिनेनि मोनसे
गेलेनायाव उपरनै फुटबल क्लाबआ
उननि राउन्डआव सौहैबाय।
मानासनि जोहोलाव फुटबल
क्लाबखौ 3-0 गलआव फेजेनानै
उपरनै फुटबल क्लाबआ देहानायजों
इयुननि राउन्डआव सौहैबाय □

चिरां जिल्लानि मोनब्रै बियाबआव बिजेपि दोलो देरहागोना रोखा: पल्लब लसन दास

बिजेपि दोलोनि बिसायख'थियारि मावख' बेखेवदों

बासुगाव, 9 सेप्टेम्बर: फैगौ
बिटिसि बिसायख'थिखौ मिरु
खालामनानै 13 नं चिरां
बियाबनि बासुगाव सोहोरआव
दिनै बिजेपि दोलोनि मोनसे
बिसायख'थियारि मावख'
बेखेवनाय जायो। बिजेपि
दोलोनि मावख' बेखेवनानै
दोलोनि गाहाइ नेहाथारि एबा
बारस' मन्थि, बारस' एमपि,
चिरां जिल्लानि सामलायगिरि
पल्लब लसन दासआ बुंदों
थासारिया सोलायबाय होन्नानै
(□ 6 बिलाइआव)



मोन 27 मासि देरहानानै बिपिएफआ हारसिंनो बिटिसिआव सरकार दागोन: लोमस्त्राव दैमारी

उदालगुरि, 9 सेप्टेम्बर: फैगौ
22 सेप्टेम्बरआव बिटिसि
बिसायख'थिया खुंजागोन।
मख'नो गोनांदि, बिटिसि
बिसायख'थिखौ नोजोर होनानै
बिपिएफ दोलोनि बिसायख'थि
फोसावदिनायखौ गोखोंनिफ्राय
गोखों जागायजेनायजों लोगोसे
बिटिसिखौ दख'ल खालामनो
नाजालानायखौ नुनो मोन्नाय
जादों। फैगौ बिटिसि
बिसायख'थिया खुंजानो गेजेरव
12 सानसोल' आद्रा दँसै।
बिसायख'थिनि सिगां समाव
खैराबारि गौथुमारि बियाबाव
हाग्रामा महिलारिनि दैदेननाय
बिपिएफ दोलोनि गोहोआ



बांदों। बिटिसि बिसायख'थिखौ
लानानै बियाबफोराव
मोनफोमबो राजखान्थि
दोलोफोरनि गेजेरव थासारिया
गोखों जादों। बिजेपि,
इउपिपिएलजों लोगोसे नो
आथिखालाव बिपिएफआबो
जोबोद गोखों जादों। मख'नो

गोनांदि, 31 नं. खैराबारि
गौथुमारि बियाबनि बिपिएफनि
बिजाथि लोमस्त्राव दैमारीआबो
दावहानि थासारिबादि
बिसायख'थिखौ गोखोंथारै
फोसावदिदों। 31 नं. खैराबारि
गौथुमारि बियाबनि बिपिएफ
(□ 5 बिलाइआव)

सुजुगिरिनि खोलोम

बर 'नि दानाय-लुनाय

आरो हारिमु लाखिनाय

बुंस हायै समनिफ्रायनो गामिआव राइजो जाग्रा सुबुंफ्रा दानाय लुनायखौ गोनां आरिमु महरे गोबाना लाबोदों। बर' माहारिनि गेजेराव बाश्रा फंसे दङ्ग "जाय हिन्जावा दानाय लुनायाव आखाय गैया बे हिन्जाव सिख्खाखौ रावबो हाबा खालामा"। बाश्राया नंखाय नङा। गामिआव नखरफ्रोमबो साल-गान्दैजों समायना इसानसाली थानायमोन। मेसैं बोथेर सौफेनाय लोगो लोगो नखर नखर सि सौनाय, नो-खनाय, बिनि उनाव गान्दैआव खुन्दुंखौ फान्ना सालाव दानाय। गामिआव हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन। आथिखालाव नाथाय गामिफ्राव हाबहैब्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथौयै साननो गोनां जाबाय। गोदोफोर खुन्दुंखौ गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाब गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गाबनि खुन्दुं बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफांनि बागान खालामना एमफौ फिनानै फिथोबनिफ्राय इन्दि, खुन्दुं दिहुनना इन्दि सि दानायमोन। नखराव जोमनो दोननानैबो गुबुन्नोबो फानहरोमोन। इन्दि सिनि बेसेनआ गोदोनिखुइ आथिखालाव गोबां जसिनबाय। गोबां रोखोमनि इन्दिसि दाना दिहुन्नो हाब्ला बेनिफ्रायबो गोबां रां मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो जंगार खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काश्मीरि साल बाइदि बाइदि सि फोरखौसो बायना जोमसै।

सिनि फालांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफादफोर दाना लानायखौ नुनो मोनदोंसैं। बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फाननोबो लाबाय। गामिनि सिख्खाफ्रानो बे उइभिं सेन्टाराव जानो आन्थाल 'रां लाना दानाय लुनाय हाबाखौ मावनो हमबाय। नाथाय बेजों उइभिंनि सोद्रोमाफ्रा बेसे बां मुलाम्फा दैवांनो हादों बेबो मोनसे साननो गोनां। नुनो मोननाय बादियैब्ला उइभिंनिफ्राय दिहुनजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थांना थानांगौआ गोब्राब। हादोरनि बायहाआवबो बे रोखोमनि हाथाय थांनागोन। जेरैखि जाया, माहारिनि हारिमु आरो आरिमुखौ फोथांना लाखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिफ्राय सोलिबोनाय दानाय लुनायनि आखुखौ फोथांना लाखिनांगोन। बिटिसिनि दैदेनगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसेनि खुन्दुं खिनिखौ जगायना सोरकारा होनो हानांगोन। आथिखालनि गामिफोरनि सुबुंफोरनि हाल-साला गाहाम नलिया। जानाय लौनायखौनो जगायनो हायाब्ला गाननाय जोमनायखौ माब्रैं जगायनो हानो? जेरैखि जाया थांनानै थानायनि राहाखौ बिटिसिनि दैदेनगिरिफ्रा गामिनि सुबुंफोरनो होनांगोन। बिनि लोगो लोगो माहारिनि हारिमु आरो आरिमुखौबो फोथांनानै लाखिनांगोन।

दिनैनि फान्जामुधि

राशि बाइदियै मुंनि गिबि हांखो

मेघ : अल बुष : ऊब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : तर वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ञ झ)

मेघ: लोगोफोरनि सोमोन्दोआ गोरायैनो थागोन। गोजोन्नायखौ मोन्नो हागोन। मोजां सान।

बुष: जेखि जाया गाग्रि जेनायाव गोग्लैनो हागौ। जेरैबो सांग्रा जानानै थांनागोन।

मिथुन: मोजां मोनलायनायनि थाखाय गाहाम सान। गोजोनै सम बारहोनो हागोन।

कर्कट: फालांगि मावनायाव खहाफोर जानो हागौ। सांग्राडै मावनांगोन।

सिंह: सुथुर जानानै थानायफोर जोबस्त्रांलांगोन। गोजोनै थानो हागोन। मोजां सान।

कन्या: जेखियानो खामानि मावा हेंथा मोन्नो हागौ। सान्नाया जाफुंनाय नङ।

तुला: सान्नाय-हनाय गासैबो फेलें थांनो हागौ। मोजां खामानिखौ मावनो नाङ।

वृश्चिक: हरखाबे माबा मोनसे मुवा-बेसाद मोन्नो हागौ। गोसोखौ गोजोन मोनगोन।

धनु: मोजां मोन्नायनि दौलेंआ गोरा जागोन। गोजोन्नायखौ मोनगोन। मोजां सान।

मकर: दिनैनि दिनाव खस्टफोर मोन्नो हागौ। गोसो हमथानानै थांनागोन।

कुम्भ: माखौबा लानानै गिलुं-गिलुं मोनखांनो हागौ। गोसोखौ लोरबां लानो नाङ।

मीन: माबा मोनसे सान्नाय जाफुंनो हागौ। गोसोखौ गोजोन मोनगोन।

मणिपुरनि सा 3 बिजेपि दैदेनगिरिफोरा कंग्रेसआव हाबदों

दुवाहाटी, 9 सेप्टेम्बर: थानाय समबारखालि गोदान दिल्लीआव एआइसिसि गाहाइ मावख 'आव मोनसे जथुमनि समाव मणिपुरनि सा 3 बिजेपि दैदेनगिरिफोर कंग्रेसआव हाबनो फोसावो, जेराव सानै बारग' एमएलएफोरबो दंफायो। बारग' बिजेपि एमएलए य सुचन्द्र सिंह (काकचिं) आरो ल राधाकिशर सिंह (अइनम) जों लोगोसे गागि दोलोन दैदेनगिरि उत्तम कुमार निंथौजामआ मावख 'यारि महरे कंग्रेसआव हाबो। जेराव

मेक्सिक 'आव मोनसे गिदिर जाब्रबथाइयाव सा 10 सुबुंनि जिउ ख 'हा आरो सा 41 सुबुड जोजोम जादों

अट'लाकमुल्क, 9 सेप्टेम्बर : मेक्सिक 'आव समबारखालि मोनसे गिदिर जाब्रबथाइ जादों, जेराव सा 10 सुबुंफोरनि जिउ गोमादों आरो सा 40 निफ्राय बांसिन सुबुंफोर जोजोम जादों। बे गिख्रंथाव जाब्रबथाइखौ गंसे मालगारि आरो डाबल डेकार बास जों सौग्राव लायनायनि

उनाव नुनो मोन्दों। मेक्सिक 'नि राजथावनि मेक्सिक' सिटिनिफ्राय 130 किल'मिटार गोजान अट'लाकमुल्कनि सिडाव थानाय मोनसे फेक्त्र थानाय ओन्सोलाव बे जाब्रबथाया जादों। बे जाब्रबथायनि उनाव गासै ओन्सोलाव गिखांनाय

सोमजिदों। पुलिसजों लोगोसे रैखाथि दोलोफोरबो जायगायाव सौहेंदों, जायनि उनाव जोजोम जानायफोरखौ फाहामथाइनि थाखाय देहा फाहामसालियाव दैथाइ हसनाय जायो। मेक्सिक 'नि सिभिल डिफेन्स एजेन्सिआ सशेल मिडिया प्लेटफर्मआव बे जाब्रबथायनि खौरंखौ होदों।

दै बानानि दोहौजों महाराजा रणजित सिंहनि बिफानि गोसोखां खाम्फाया सिलिंखार जादों

गोदान दिल्ली, 9 सेप्टेम्बर : पाकिस्तानआव गिख्रंथाव दै बानानि गेजेरजों पान्जाब ओन्सोलनि जारिमिनारि सहर भुल्लानाव दै बानानि दैयाव गोदोना थानाय 10 रोजानिखुइ बांसिन सुबुंफोरखौ रैखाथियै दिहुन्नो आरो गुजरात्वालायाव थानाय महाराजा रणजित सिंहनि बिफा सरदार महान सिंहनि गोसोखां खाम्फानि मोनसे बाहागोया गोबां अखांनि जाहोनाव गोदोयो। गुबुन हादतयारि सम्पति ट्रास्ट बर्ड (इपिटिबि) नि बुंथिगिरि गुलाम महियुद्दीनआ समबारखालि फोरमारयोदि, बावैसो समाव गोबां अखांनि जाहोनाव गुजान्वालनि शेरांवाला बागआव थानाय सरदार महान सिंहनि गोसोखां खाम्फानि मोनसे बाहागोया गोदोयै, जाय

लाहरनिफ्राय गासै 80 किल'मिटार जान्थायाव दङा इपिटिबिआ पाकिस्तानाव बाङाइ सुबुं अन्जिमाफोरनि गोथार जायगाफोरखौ नोजोर लाखियो। बिथां सरदार सिख फोलेरनि सासे गाहाइ दैदेनगिरि, जायखौ सिख फोलेरनि जारिमिनाव सासे

मख'जाथाव सुबुं महैरे गनायना लानाय जायो। सरदार महान सिंहआ रणजित सिंहनि बिफामोन आरो सुखेरचाकिरा मिस्लनि नैथि गाहाइमोन। पान्जाबनि दै बानानि जाहोनाव खमैब्लाबो सा 60 सुबुंफोरनि जिउ गोमाखांबाय। दै बानाया मुल्लान सहराव हाबो। थांनाय 24

घन्त्यायव दै बानानि दैयाव थाबथाना थानाय 10 रोजानिखुइ बांसिन सुबुंफोरखौ मुल्लानात रैखाथियै दिहुन्नाय जायो। दै बानायाव खमैब्लाबो दर 4,355 गामिफोरा दैजों लोमसावयो, जायजों 42 लाखनिखुइबो बांसिन सुबुंफोर गोहोम गोग्लैदों।

थाव, साबोन, शेम्पु, पाउडरफोरा बेसेन खम जानो सम नांवावगोन

गोदान दिल्ली, 9 सेप्टेम्बर: फैगौ 22 सेप्टेम्बरनिफ्राय गोदान जिएसटि सिस्टेम फोसावनायनि उनाव बाहायगिरिफोरा सानफ्रोमबो बाहायग्रा बेसादफोराव थाबैनो रेहाय

मोन्नाय नङ। बाहायग्राफोरा खम बेसेनआव साबोन, थाव, शेम्पु बायदि बेसादफोरखौ अक्टवर जागायनाय एबा गेजेर अक्टवरनिफ्रायनो मोन्नो हागोन। अदेबानि जिस्टिआव

सोलायनायनि उनाव गोदान एमआरपि थानाय बेसादखौ बाजारसिम सोहैहोनायाव गोबां सम नांगौ जायो। गद्रेज सितापतिआ बे बाश्राखौ मिथिहोदों। सितापतिआ बुंदोंदि,

एआइसिसि मनिपुरनि बिबानगिरि सप्तगिरि शंकर उल्का आरो मनिपुर राइज्यो कंग्रेस कमिटि (एमपिसिसि) नि आफादगिरि के मेघाचन्द्र सिंहआ नुजाथिदोंमोन। गावनि थांखिखौ मख 'नानै कंग्रेसआ बुडोदि, दैदेनगिरिफोरा बिजेपिखौ बेनि थाखायनो नागारदों। मानोना मनिपुरआव सोलिनाय अलखदनि समाव पार्टिनि सामलायनायनि सायाव

गोजोनैआ बांगासिनो दङमोन। बिसोरनि बे थांखिआ कंग्रेसनि गोजोनखौ सोलि होनाय, दिदोमथिखौ रोखा खालामनाय आरो राइज्योआव समानथि खुंथाय होनाय गोहोआव फोथायनाय गोहो बांनायखौ दिन्थियो। उल्काआ सा 3 दैदेनगिरिफोरखौ पार्टिआव बरायो आरो बिसोरनि बिहोमानि सायाव फोथायनाय फोरमायो। बे थांखिजों मनिपुरआव कंग्रेसआ मख 'जाथावै गोखों

Name Correction

That my deceased grand-father's actual / correct name and surname is **AKHEB BRAHMA**, S/O. Kalsing Brahma, which is recorded in his Death Certificate, who died on **15/04/1980, Regd. No. D-2022: 18-00040-000448** issued on **23/03/2022** by the Registrar Birth & Deaths, I/C. Balajan Block PHC, Dist. Kokrajhar, Assam, Legal Heir / Next of Kin certificate, vide certificate no.-**21072025-001-14208904**, Application No.- **SSDG/ED/NOK/108379201**.

That, at the time of death of my deceased grand-father, he was un-married.

That, there is a plot of BARI/ SALI class land recorded in the name of my said deceased grand-father, covered by **Dag No.- 304, 542, Patta No.- 18**, situated at Kushakati Part-I under Kokrajhar Revenue Circle, Dist. Kokrajhar, BTR, Assam, wherein my deceased grand-father's name and surname has been recorded as **AKHEB BORO** instead of **AKHEB BRAHMA**.

That, I do hereby declare that **AKHEB BRAHMA and AKHEB BORO** is the same and one identical person, who is none other but my deceased grand-father.

Ramani Ranjan Brahma
S/O. Lt. Niranjan Brahma
Basugaon, W/No.- 2
P.O. & P.S. Basugaon
Dist.- Chirang BTR Assam
PIN- 783372

AFFIDAVIT

I, JANA BASUMATARY, D.O.B.: 31-12-1986, D/O Bisto Nath Brahma, W/O -Dipaka Basumatary, a resident of village - No. 2 Mandaria FV, P.O. & P.S. - Kachugaon in the district of Kokrajhar, BTR, Assam, do hereby solemnly affirm and declare as under:

1. That, I am a citizen of India by birth and permanent resident of the above-mentioned address.

2. That, my actual and correct name & surname is **JANA BASUMATARY** and my father's actual and correct name & surname is **Bisto Nath Brahma** which has/have been recorded in my AADHAAR Card vide AADHAAR No. **6605-7342-5598**, Pan Card vide Pan No. **ITCPB2537L** and other relevant documents.

3. That, due to bona-fide mistake my name & surname has been entered & recorded in my SBI Saving Bank Account vide A/C No. **30815498870** under Gossaigaon Branch as **JANA BRAHMA** in place of **JANA BASUMATARY** as well as my father's name & surname has been recorded as **Bista Nath Brahma** in place of **Bisto Nath Brahma**.

4. That, I do hereby declare that, **JANA BASUMATARY** and **JANA BRAHMA** is the same and one identical person i.e. myself.

5. That, I do hereby declare that, **Bisto Nath Brahma** and **Bista Nath Brahma** is the same and one identical person who is my father.

6. That, this declaration is made by me to submit it before the concerning authority to prove the facts that my actual and correct name & surname is **JANA BASUMATARY** and my father's actual and correct name & surname is **Bisto Nath Brahma** and it will be used as a piece of documentary evidence for doing needful purposes.

All the above statements made by me are true to the best of my knowledge belief and information.

Name: Jana Basumatary
D/O.: Bisto Nath Brahma
Village: No. 2 Mandaria FV
P.O. & P.S.: Kachugaon
Dist.: Kokrajhar

हरनि रानि होन्ना बुंजानाय बिबारआ मानो हरावल’ बारो?

मुलुगाव सान्श्रहायै समाइना आरो मोदोमफ्रु बिबार दङ। बेफोरनि माखासेया हराव आरो माखासेया सानाव बारो। मोनायाव बारग्रा बिबारफोरा हरावनो बारो आरो हरावनो सिरियो। बेबायदि, बिबारखौ साननि समाव माब्लाबाबो नुनो मोना। नाथाय मानो बेफोर बिबारा हरनि समावल’ स्रोदयै बारग्लाङो आरो सिरियो? खायसे ज़िब-जुनात आरो दावफोरा हरनि समावल’ ओंखारनाय बायदि बे बिबारबो मोनायावल’ गेवलाङो। बिबारफोरनि गेजेराव हराव बारग्रा बिबारफोरनि मादाव मोनसेखौ हरनि रानि होन्ना बुंनाय जायो। मोनायाव बारग्रा बिबारनि मोदोमनाया गोखोंसिन जायो। बे मोदोमनायनि जाहोनाव एम्फ्रौ-एनला एबा सिखिरिफोरा बिबार फारसे गोसो बोलाङो। मोनानि रानि होन्ना बुंजानाय बिबारा साननि बिदुं आरो सोरांखौ सहायनो हाया। बेफोर बिबारा साननि समाव जोबोर थाब लरहायलाङो। बेनिखायनो



मोनानि समाव गेवलाङो। फारसेथिं मोनायाव बारग्रा बिबारफोरनि दाथाय आरो आबहावायारि धोरोमनि जाहोनाव मोनायावल’ गेवलाङो। बेफोर बिबारफोरा गुफुर गाबनि जायो आरो पारफिउम बानायनायाव बेफोरखौ बाहायो। मोनायाव बारग्रा बिबारनि गाबआ जोंखोल जाया, नाथाय गुफुर जानायनि थाखाय खोमसिआव एम्फ्रौ-एनला, सिखिरिफोरखौ गोसो बोनो हायो। जोबोर मोदोमनाय गोनां मोनानि रानि होन्ना बुंजानाय बिबारखौ इंराजीयाव नाइट ब्लुमिं जास्मिन होन्ना बुङो।

बोसोराव खेबब्रै बेयो बिबार बारो। फारसेथिं मोनायाव बारग्लांना मोनायावनो सिरिग्रा बिबारफोरा जादों- (१) चामेलि (जास्मिन): बे बिबारआ हर आरो सानावबो बारो।बेनि मोदोमनायखौ हराव बांसिन मोन्दांथियो।बेयो फिसा आरो गुफुर गाबनि जायो।(२) मगरा: बेयो नैथि मोदोमफ्रुग्रा बिबार, जाय हरनि समावबो बारो। बेखौ फुजाफोरावबो बाहायो। (३) चम्पा: चम्पा बिबाराबो मोनायाव बारग्रा जोलैन आरो बेनि मोदोमनाया जोबोर गोदै। बे बिबारा थुबजायै

बारो आरो गुफुर गाबनि। (४) ब्र ह्राक मल: बेयो मोनसे सोमोनांथाव रोखोमनि बिबार, जाय बोसोराव खेबसेल’ बारो आरो हरनि समावल’ बारो। बेखौ जोबोर गोथार होन्ना गनायनाय जायो। (५) धतुरा: बे बिबारबो हरनि समाव बारग्रा हारिनि, जाय बयनिबो गोसो बोनो हायो। बे बिबार फुजायाव बाहायजायो। (६) सप्तवर्णा: गाहायै बे बिबारखौ हिमालय ओन्सोलाव मोन्नाय जायो, जाय समाइना आरो मोदोमफ्रु बिबार। बेबो मोनानि समाल’ बारो। (७) रजनिगन्धा: बे बिबाराबो मोनायाव गेवलांग्रा आरो गुफुर गाबनि, जाय सान ओंखारनायनि सिगांनो सिरियो। बेयो जोबोर मोदोमो आरो बेखौ माला सुनायाव बाहायनाय जायो। (८) पारिजात: बे बिबारा गुपुर फिसा-फिसा आरो हरनि समाव बारो। सोराङोब्ला बे बिबारा थखबलाङो। बेखौ मुलिन थाखाय बाहायनाय जायो।□

नों बुजियाखै सानब्लाबो गोसोखौ खाथाबो

नों बुजियाखै सानब्लाबो गोसोखौ खाथाबो, मानोना दिनैल’ नोंजों गोनांथि गैया आंहा। बुंथावै बाश्रा जेखौ जोनोमनिफ्राय मोनफैरै सोरां, थरथिं थरथिल’ सेरमायो। खेंफ्रुनो हाथावै राव खन्थायजों सारिसे गालांगोन आं जोनोमाव। नख ’रनिबो मोनजोबै गुबुननिफ्रायबो मोनै खोन्थानो हानाय नङ आं नों बिफा बादि गुरुनो। जेब्ला आंनि खन्थायखौ मोनगोन अब्ला बुजिदो बिफा।

मुश्री सज़िब नार्जारी
गामि:-काउरादुमनि(दतमा)
जिल्ला:-कक्राझार बि.टि.सि
ला:सो:-दतमा

लिमारिक

1
दानि जुगनि बर’ सिख्लाफोर,
अखा नायब्लाथाय, सोरां जाब्लाथाय
नोगोर सहराव बेरायनाय
ओरै थांहां ओरै फैहां।

2
गाना बिसोरो हारिनि सि-जोम
दोना बिसोरो हारिनि मान सन्मान,
सेबथाब-सेबथिब लंपेन्ट गान्ना
देखायो बिसोरो गावसोरनि पेसन।

3
देलायनाय महर साजायनायावल’ एक्सपार्ट,
दानाय लुनायावथ’ आसि खेंखाय
लाबाय बिसोरो गुबुन हारिनि
दखनानि जायगायाव सुरिदार, लंपेन्ट।

4
आखायावथ’ थाजोबखायो मबाइल
हर सान रायज्लायसै
बाश्रा मबाइलआव बिसोरो,
साना हवा उन्दै बैसोआवनो
हाबा लाज्लायासै।

श्री धन बसुमतारी
माइनाव सोरां फरायसाली सिम्बरगाव
गामि- १ नं फाखिगुरि(जायनारि)
ला:सो:-सिम्बरगाव

मैनाथि सना

नुजेन्नाय समनिफ्राय
हायना नांनाय बादि,

मेगननि नोजोरा आंनि
नोंनि फारसेल जासै अराय
आजोला गोसोनि दुखु-दाहा दोन्थना,
थाफानो आलो गोजोन नोंजो लोगोआव।

बेसेदि समायना
नोंनि ददेरे समायना महरा
नुयोबोला नोंखौ
माब्लाबा लामायाव,

गोग्लैनो, नायगिरो सौथुना
अब्ला आं अन्थायाव।

नाथाय-
जानाय नङथ,

नोंनि ददेरे समायना महरा?
मोनसे बिबार बारिनि बिबार बायदि-
सान्नैसोनि उनाव, ज्रय सिरिनाय,
बे गुदुं हाद्रि बालानि सायाव,

बारसे फामि बिबार बायदि
सान्नैसोनि उनाव गोदो लांफिन्नाय
फिन गोथौ दैन सिङाव
अरायबो जुगामी दै सान्थिआव।

श्री मैखोम दैमारी
थाखो: गु(९)
गामि: खासफुर(हालां बाजार)

गोमोथाव

बा-बा-बा मा एसे मोजां
समाइना बे दुफावलुर बुहुमालाइ
सोरगिदिं बिफां-लाइफां हाजो-हाला
दाउमा-दाउसा ज़िब-जुनादजों बुंफबनाइ।
हाजो-हाला, हाग्रा-बंग्रा, खारनलाय-खारखोलाइ
मोसा-लख्रा, मै-मुफुरफोरनि
बेसे नाइथाव बेसे गोमोथावमोन।
हाबाब, सोर मेगन गोसानि मोहेरनायाव
जाजोबबाय सिलिंखार खालाम जोबबाय
बहाबा गोमोर लांजोबबाइ दिने।
नुदोंमोन शाल-सिगुन, सिसु-सन्दन
ग्रोम-ग्रोम बिफां लाइफांनि बागान
नुदोंमोन लख्रा-मोसा, मै अमा मुफुर
मैहुर गेलेदों अराय सानहर।
सिमांसो जाबाइ आं नुबोनाइ नुथाइफ्रा
हर’ मोनना सानमोन हमनो हालिया
आय’ ग’साइ सोरनि गेलेहोनाय
अबंलावरिनिना मुनुस्मायानि?

मुस्त्रि सोमदोन गयारी
गामि-दियाबारी
ला: +जिल्ला-क ’क़ाझार,

रंजालि गथ’फोरनि सौरा

बुंजायो गोसो बिगियानगिरि

जों
खन्थाइ
रेबग्राया
खन्थाइ रेबो
सान्दांथि आरो मोन्दांथिजोंनो

जों
खन्थाइ
रेबग्रानि
सान्दांथिया
मालाबा बिलियाव सैथोयारि

जों
खन्थाइ
रेबग्रानि
मोन्दांथिया
मालाबा बिलियाव मोगथांथायनि

जों
खन्थाइ
रेबग्रारखो
बोरैबाबा
बुंजायो गोसो बिगियानगिरि

- रैदोम बर’, बाक्सा

रोदोमसुलि

सोरखौबा थिनानै दोनदों आं गोरबोआव

बे बुब्लियाव, जिउनि लामा दथायाव,
आंनि जिउनि लामायाव

सानथ्र हायि हाखर,सानथ्र हायि दाहा
बेनो मोनसे गोलाव माया जे।

सौसि लांनायाव नोंनिनो मिजिं फेरलेबसे
नोंनि आंनि संसारनि बान्दो
दैदेनलांनो आंनि गोरबोनिनो बिथोन।

दानखोमसि बोथोराव अखाफोर
रानस्त्राव बोथोराव रोदोमसुलि।

अनाखाना थांलाय फैलाय
बारनि रावजों आंखौ रायदावो नों,

हमनो हादों नोंबो आंखौनो

गोरबोनि सिङाव.. नङ होमबा?

नों जेब्लायबो गुस्लायसुलि

नोंनो बयनिबो अनसुलि अनफाउरि

नोंनो रोदोमसुलि ।।

जोंसार ब्रहम
उदालगुरि

आर’नाय

बर’ आयजोनि आखायजों

दानाय- लुनाय गोप्रों आदबजों

बेयोदि मुहिनि गोनां महर मोनबाय
सिनायथि होबाय जोंनि हारिखौ।

बायदि गाबजों बेरखांनाय

बायदि आगरजों सुखांनाय,
मोखां गोजों जौगा देरगा हारिनि

साथिफबबाय आगर आखायनि गेजेरजों
हारिखौ फोजाखांबाय।

देलायन्त्रि देलायनाय जानजि खाफ्रानाय
खेराइ क्रिप्ति हारिमु मोसानायाव
आर’नाय गैयाब्लानो समायथारा।

बेसेबां मददगिरि बेयो

जोंनि हादरनि जोंब्लावनाय अलंबार,
गोजोन सुदेम हारिनि सिबिनायाव
जोहोलावफोरनि गोदोनायाव आलायजानाय।

बिनि गुनानो हारिखौ फोजाखांबाय,
बिमानि मेगननि मोदैखो हुगारनाय।

खांगुवानि गोरबोआव मन’नो दाहो

मोनफिन्नायनि लामा आन्दायगोन,

बावगारनो नाङ जों आर’नायखौ

बिखायाव बजबना लानांगोन

थार सिनायथि बे आर’नाया

हारि दानायाव गरेमसा महरै बाहागो दानाय।

मुश्री प्रानजोल बसुमतारी
माइनाव सोरां फरायसाली,सिम्बरगाव
गामि:- कालुगाँव

निजोम हरनि मोनदांथि

हर गेजेरनि समाव

आंनि लांगोना सेरजों

होसिख्रावो निजोम दान खोमसि,

खोनासंनो नजादोंदा

सोरबा बिनि गोबोंनि रुजुनख’ हायै दाहा

राव गैयै मोनदांथिनि इसाराखौ

मोनदांनो नाजादोंदा?

गैया हमदांस’ हानाय नङ

मानोना

गोसोहोना खोनासंब्लासो मोनथिगोन

बै निजोम हरा मा दाहानि मैहुर जानांदों

बेसेबां दाय गैयै ज़िब ज़िबिफोरा

जिउ खोमानो गोनां जायो

खोमसिनि साग्लोबनायाव,

अनागारिनि मेगना

मोसाबादि जोंखाङे

खोमसि मुलुगनि हेफाजाब लानानै,

मोनथिनो नाजा

बे खोमसि हराव

बेसेबां बिमाया सिरियै मेगन मोदै हुगारखोमायो

बेसेबां बिसिया फिसायखौ गोसोखांना बिखा खामो।

नायनो थाखाय मेगनाव मोनदांथि नांगोन

खोनानो थाखाय गोसोआव बुजिनो हानाय गोहो।

मृदुल बर’
बाक्सा

सोरथो बुजिनो

दानदिसे समनि आलासि नों

आंनि गोसो सिंनि

बारफुनाइ बारसे गलाब नों

आंनि बिबार बागाननि।

खोमसिया साग्लोबो जेब्ला

अब्ला नोंनि महरा

बेरखां फैयो थाइनै मेगनाव आंनि।

दोनदों मोन ऐसेखोमाना? गोसोआव आंनि

जेब्ला सिम हायाखैमोन फोरमायनो

सेराव नोंनि।

सोरथो बुजिनो

नोंनि थाखाय आं

दं नेना आखाय फुवारना।

तपन बर’
केक ’हाटि (रडिया),
कामरुप

आंनि सिमां

रोजोबनाय दाव मैनानि बायदि

बेसेदि मिलौदो रावमोन नोंनि,

गेवलांनाय फामि बिबार बायदि

बेसेदि समायना महरमोन नोंनि,

समायना बिबार बागान- बागान

जों लासै लासै थाबायग्लांदोंमोन,

जिरि-ज़िरि बोहैनाय दैसा सेराव

जिराय हैदोंमोन दान्दिसे उनाव।

नाथाय, हरखाब नों बबेयावबा

गोमालांदोंमोन आंखौ नागारना,

सानदोंमोन आं अब्लाबो-

दं जानांगौ बबेबा खाथियाव नों।

दांग्रोमबायदोंमोन बेखायनो नागिरना

नाथाय नों खाथियाव गैया,

नोंनि मुंखौ मख’ना-

गाबन्त्रिदोंमोन आं गोबारै राव होना।

लोगो लोगो आं सिरि मोनखांबाय

बबेयाव दं जाखो थाल खालामबाय,

अब्लासो आं आन्दाज मोनदों

दोंसे सिमांसो उन्दुनायाव नुदों।

जेबोला सिरि मोनदों-

सौंसिख’ हायै हर गेजेराव

मिथिस’ हायै सिमांफुरियाव

जेबोला आं गेलेहैदोंमोन

नों रजेया लोगोआव गेलेफैफादोंमोन।

मुस्त्रि मैखोम दैमारि
खासपुर(हालांबाजार)
आमलायगुरि इउ.ए.न. ब्रह्म गोजौ फरायसाली
जिल्ला- क ’क़ाझार, बितिडि।

माहाम देहानि राहा

देहानि थाखाय सुम्फ्राम फिथाइआ गोबां मुलाम्फा गोनां जायो



गुसु बोथोराव सुम्फ्रामनि सिजन जायो। गुसु बोथोराव सुम्फ्रामआ गोबां बिथिडाव आफे लनिफ्राय बांसिन मुलाम्फा गोनां फोरमान जायो। सुम्फ्रामआव भिठामिन सिनि मोजां बिबांखौ मोन्नाय जायो, जायजों इमिउनिटीआ गोखों जायो। सुम्फ्राम जानायजों भिठामिन ए आरो भिठामिन बिखौबो मोनो। बेनि अनगायै आयरन, फस्फरास आरो लाइक'पिन बायदि एन्टी अक्सिडेन्टखौबो सुम्फ्रामआव गोबां मोन्नाय जायो। केन्सारनिफ्राय रैखाथि मोन्नो आरो खर' मेलेमखौ हेल्दी लाखिनायाव सुम्फ्रामआ मदत खालामो। डायबिटीज आरो खि गोरा जानायनि जेंनायाव सुम्फ्रामआ मुलि बायदि खामानि मावो। जुदि नोंथाडा सानफ्रोमबो थायसे सुम्फ्राम जायोब्ला देहाखौ गोरलैयैनो गाहामै लाखिनो हायो।

(1) सुम्फ्रामआ फाइबरजों बुंबफनाय कन्टेन्ट आरो ल' ग्लायसेमिक इन्डेक्स गोनां फिथाइ। सुम्फ्राम जानायजों डायबिटीजनिफ्राइ रैखाथि मोन्नो हायो। डायबिटीज जायोब्ला सानफ्रोमबो सुम्फ्राम जानायजों शुगारनि लेभेलखौ बांनायनिफ्राय होबथानो हायो। सुम्फ्रामआव मोजां बिबांनि फाइबार थायो, जाय डायबिटीजनि बेरामिफोरनि थाखाय मुलाम्फा गोनां जायो।

(2) सुम्फ्राम जानायजों उदैखौ थाबैनो बुंनाय हमदाडो आरो देहायाव केल'रिखौबो बाडाय मोनो। आपेल, थालिर आरो आंगुर बायदि फिथाइफोरनि रुजुनायाव सुम्फ्रामआ प्रटिन, भिठामिन आरो फाइबार इनटेकखौ मोनहोनायजों लोगोसे मेटाब'लिज्मखौ गोखों खालामो। जायजों देहानि लिस्थाइखौ बाडाइ खालामनायाव मदत मोनो।

मुंदांखा फावखुंग्रि काजल आग्रवालआ गावनि जिउ गोमानाय खौरां गोसारनायनि सायाव फिनजाथाय होदों

बलिउड आरो साउथनि मुंदांखा फावखुंग्रि काजल आग्रवालआ फिन खनसेबाव खौराडव थादों। बे खेबाव फावखुंग्रिनि सावथुनफोरखौ लानानै खौराडव थायाखै। अदेबानि डेथ रिउमारखौ लानानैसो खौराडव थादों। बावैसो सिगां फावखुंग्रि काजल आग्रवालआ मोनसे सोमोनांथाव जिउ गोमानाय खौरां गोसारनायनि मैहर जानादों। बिथांखौ लामानि जाब्रबथायाव जिउ गोमादों होन्नानै समाजआरि बिजोडव गोख्रैयै गोसारदों। लोगोसेनो बैखौबो खोनानो मोन्नाय जादोंदि, गोब्राब दुखु मोन्नायनि जाहोनाव बिथाडा जिउ गोमादों। बेबादि खौरा गोसारनाया बिथांनि अन्सायगिरिफोर आरो सावथुन मुलुगाव दोहो सोमजि होदों। नाथाय बावैसो काजलआ बे खौरां गोसारनाया नंखाय होन्ना



मिबथि होना गावनि अन्सायगिरिफोरनो फोथायथि होदोंदि, गाव मोजाडेनो दड। समबारखालि काजल आग्रवालआ गावनि इनस्टग्राम स्टरि आरो एक्सआव मोनसे पस्ट शेयार खालामदों, जेराव बिथाडा मिबथि होयोदि, बिथाडा थारैनो मोजाडे आरो रैखायै दड। बिथाडा लिरो, 'आं माखासे फोथायथावै खौरां मोन्दों, जेराव दाबि खालामनाय जादोंदि, आं

एक्सिडेन्ट जादों। सैथो बाथ्रा बुंनो थाडोब्ला, बे खौरांआ जोबोद मिनिथावना मानोना बेयो सैथो बाथ्रा नड। इशोरनि अन्नायाव आं साफ्रोमनोबो फोरमायनो सानोदि, आं मोजाडे नो दड। नो थां मोननिसिम गुरैयै खावलायनाय जायोदि, बिब्दि नंखाय आरो बानसावनाय खौरांनि सायाव दाफोथाय आरो बिब्दि दा गोसारहो। बे

जाथायनि उनाव इटाइम्सआ जेब्ला काजलजों सोमोन्दो लायो, अब्ला बिथाडा फिन्नायाव बुडोदि, बिथाडा बे समाव बेस्थ'आव दड आरो उनाव कल खालामगोन। बबेखानि बिथांनि बिबुंथि आरो सशेल मिडिया पस्टआ थासारिखौ रोखा खालामदों आरो बान्सावनाय नंखाय खौरांनि सायाव फिन्नाय होनानै फोजोबदों।

फावखुंगुर सत्यन शिब कुमारखौ कुट्टि राजा मुडैबो मिबथिनाय जायोमोन

बायजो मुलुगाव सावथुन मुलुगखौ मोनसे गोर्जों मुलुगबादि नुयो, जेराव जाफु'सारनाय आरो मुंखौ खनसेनो मोनो, नाथाय बे गोर्जोंआ माब्लाबा-माब्लाबा खोमसियावबो थाखोमायो। तामिल सावथुननि मुंदांखा फावखुंगुर सत्यन शिबकुमारनि सल'आबो माखासे बिब्दिनो। सासे फावखुंगुर, जाय 'कुट्टि राजा' मुंजोंबो मिबथि जायोमोन। बिथाडा हस्खाबे रंखान्थि जेंनाजों मोगा-मोगि

जानांदोंमोन आरो उनाव गावनि समाइना न'खौबो फान्नो गोनां जादोंमोन। सत्यन शिबकुमारआ तामिल सावथुनाव सासे फोथाय जाथाव हेफाजाबगिरि फावखुंगुर महरै सिनायथि मोन्दों, जाय सिगांसिन बिजयनि सावथुन नम्बरआव गावनि बिफावजों मुंदांखा जानो हादोंमोन। बिथाडा गजनी, आलवर, एगन, थुप्पाक्की बायदि ब्लकबास्टार सावथुनफोराव मख'जाथाव बिफाव होदों। बिथाडा गावनि मोखथां जिउआव गावनि



नख'रनि सोद्रोमाफोरजों लोगोसे मोजाडे जिउ खुंगासिनो

सैयारा आरो कुलि बायदि सावथुनफोरा अटिटिआव रिलिज जासिगोन

बागी 4 आरो दा कन्ज्युरि लास्ट राइटस बायदि सावथुनफोरखौ बे समाव सिनेमाहलफोराव नुनो मोन्दों। अदेबानि थांनाय सप्ताहयाव नेटीफ्लिक्सआव 'इन्स्पेक्टर जेन्डे' सावथुना रिलिज जादोंमोन। बे पस्ताहयावनो अटिटि नायनो मोजां मोनग्राफोरनि थाखाय जोबोद जरखा जागोन, मानोना माखासे सावथुनफोरा रिलिज जागोन। सैयारा आरो कुलि बायदि सावथुनफोरा गिबियावनो सिनेमाहलफोराव दोहो सोमजिहोखांबाय। बेफोर सावथुना आथिखालाव अटिटिआव लिंरिज जागोन। बबेखानि 'डु इड बाना पार्टनार'



बायदि गोदान सावथुनफोरखौ एमाजन प्राइम हटस्टारआव लिंरिज जागोन। सुपारस्टार रजनिकान्तिन कुलि सावथुना 14 आगस्टखालि सिनेमाहलफोराव रिलिज

जादोंमोन। बेयो सिनेमाहलफोराव रिलिज जानाया दान मोनसे जायैनि सिगां अटिटिआव नुजाथिगोन। बे सावथुना 11 सेप्टेम्बरनिफ्राय प्राइम भिडिअआव स्ट्रिम

जागोन। आथिखालाव कुलि सावथुनखौ अटिटिआव तामिल, तेलुगु, मालयालाम आरो कन्नड़ रावआवल' नुनो मोनगोन। हिन्दी रावआव बेयो अटिटिआव माब्ला फैगोन बेनि जेबो खौरां मोन्नाय जायाखै। सावथुननि

हमदांनाय बाजेटखौ गासै 350 कौटि रां होन्ना मिबथि होनाय जादों। दान मोनसेनिबो खमसिन समाव सावथुना मुलुगनाडैनो 500 कौटि रंखौ बारलांबाय। सावथुना 22 सानाव 514 कौटि रां आरजिदों। आथिखालाव अटिटिआव बे सावथुना नायगिरिफोरनि अन्सायनाय मोनगोन। बे बोसोरनि मुंदांखासिन लाभ स्ट'रि सावथुन सैयाराआ सिनेमाहलफोराव दोहो सोमजिहोदोंमोन। आथिखालाव बे ब्लकबास्टार सावथुना अटिटिआव गावनि जायगा बानायगासिनो दड। अहान पाण्डे आरो अनित पडडानि बे सावथुना 12 सेप्टेम्बरनिफ्राय नेटीफ्लिक्सआव स्ट्रिम जागोन।

करियग्राफार अर्जुन राजआ कान्तारा चेप्टार 1 नि एक्सन सिनफोरनि बागै गुवारै बाथ्रा सावरायदों



हम्बले फिल्मनि बयनिखुइ बांसिनै नेनानै थाजानाय सावथुन 'कान्तारा चेप्टार 1' आ बे सोलिफु बोसोरनि बयनिखुइ बांसिन खौरांआव थानाय सावथुनफोरनि मादाव सासे। बबेखानि दा सावथुननि एक्सन-स्टान्ट करियग्राफार अर्जुन राजआ 'कान्तारा चेप्टार 1' नि एक्सन सिनफोरनि बागै गुवारै बाथ्रा सावरायनानै गावनि राय होदों। बिथाडा सावथुननि माइथ'लिजिकेल खुद्रिलायनायनि सोमोन्दैबो मिबथि होदों आरो ऋषभ शेट्टिखौ बाब्जायनानै मिबथि होयोदि, माबोरैहाय बिथाडा मोनफ्रोमबो दावहाखौ मोनसे समायना आरो गोसोआव थाथाव मोन्दांथियाव सोलाय होदों। अर्जुन राजआ कान्तारा चेप्टार 1जों लोगोसे मोनसे गिदिर प्रजेक्टआव आगान होदों। बिथाडा बुडो, जागायजेन्नायाव आं बे प्रजेक्टआव बाहागो लायाखैमोन। बेयो मोनसे जोबोद गिदिर सावथुनमोन आरो आं सान्दोंमोनदि, आं बे लेभेलसिम सौहैनो हानाय नड। जेब्ला आं बाराणशिआव दंमोन, अब्ला आं बिब्दिनो गिदिर प्रजेक्टनि बाहागो जानो थाखाय बोर बिदोंमोन। माखासे साननि उनाव आंनाव फन फैदों। गिबियाव बिसोरों आंखौ मोनसे सिक्वेन्सनि थाखायल' खामानियाव नांगो बायदि बुंदोंमोन। उनाव बिसोरों आंनो मोनब्रै सिक्वेन्स होदों। बे बायदिनो अर्जुनआ मोनब्रै गिदिर सिक्वेन्सनि थाखाय करियग्राफि खालामदों, अदेबानि राम-लक्ष्मणनि ज'राया बे सिक्वेन्सखौ सामलायदों आरो हलिउड स्टान्ट बिथोनगिरि तडर लाजारआ वारनि सिनफोरखौ महर होनायाव मदत होदों।

दा कन्ज्युरि सावथुनाव एड आरो लरेन वारेननि नंगुबै सल 'खौ दिन्थिनाय जादों

सावथुनफोरनि जनारनि बाथ्रा सावरायोब्ला माखासे सुबुंफोरा एक्सन, कमेडि, रमान्सखौ मोजां मोनखायो, नाथाय हररआ मोनसे ओरैबायदि जनार, जेराव बांसिन सुबुंफोरखौ मुजिनाय नुनो मोनो। आथिखालाव मोनसे बिब्दिनो मुंदांखा हरर फ्रेन्चाइजिनि सावथुना दा कन्ज्युरिनि जोबथा खोन्दोआ रिलिज जादों। सुबुंफोरा बे सावथुनखौ लानानै



नाथाय बिथाडा गाव हारसिडै गोसो जानानै सावथुन बानायनाय लामायाव आगान होयो। गावनि गिबि सावथुन 'इलैयावन' आव फिसाज्ला सत्यनखौ लन्व खालामो। नाथाय खाफाल गात्रि बे सावथुना फ्लप जादों आरो बेयो गात्रि मोन्दांथियाव फोरमान जादों। बेयाव खरस खालामनाय गिदिर बाजेटखौ मोनफिनाखै आरो रंखान्थि महरै बेयो नख'रनि सायाव गोहोम गोरलैदों।

जोबोद एक्साइटेट जानानैबो दं। सावथुननि सल'खौ सुबुंफोरा जोबोद मोजां मोनो, नाथाय मिबथिगौना बे गासै फ्रेन्चाइजिनि सल'आ मोगथां महाराव जानाय एबा नंगुबै। दा कन्ज्युरिआव एड आरो लरेन वारेननि ज'राखौ दिन्थिनाय जादों, जाय मोगथांआव सासे मुंदांखा पेरानमॅल इन्भेस्टिगेटसर्क। फिल्म फ्रेन्चाइजिनि गासै खोन्दोखौ बे ज'रनि इन्भेस्टिगेटि फाइल्सनि सायावनो दोन्नाय जादों। एडवारेनआ सासे डेमन'

लजिस्टमोन, अदेबानि बिथांनि बिसि लरेन वारेनखौ क्लेरवायन्ट होन्ना गनायनाय जायोमोन। सानैजों जयै लोगो नांनानै माखासे पेरानमॅल केसखौ नायबिजिरो आरो गावसिनि एक्सपिरियेन्सखौ डक्युमेन खालामदों। बे केसनि सायावनो दा कन्ज्युरिनि गासै फ्रेन्चाइजिनि सल'फोरा बानाय जानाय। मुंदांखा हरर फ्रेन्चाइजिनि गिबि खोन्दोआ 2013 आव रिलिज जादोंमोन, जायनि टाइटलआ दा कन्ज्युरिमोन। बे सावथुनाव गंसे नख'रनि सल'खौ दिन्थिनाय

जादों, जाय 1970 नि पेरन नख'रनि सल'खौ दिन्थियो। बे सावथुनाव एनाबेलनि नुथाइखौबो नुनो मोन्दों। बबेखानि नंगुबै सल'फोरजों लोगोसेनो सावथुनफोराव गिनायखौ बांहोनो थाखाय माखासे जिनिसफोरखौ बारायनानै दिन्थिनाय जादों। अदेबानि सावथुननि जोबथा खोन्दोआ 5 सेप्टेम्बरखालि रिलिज जादों। रिपर्टनि बायदिब्ला, सा 4 आव बे सावथुना 55.99 कौटि रां आरजिदों।

भारतनि हकी हान्जाया जुनियर वर्ल्ड कापआव सिलीनि हेंथायै गेलेनायखौ जागायदों

गोदान दिल्ली, 9 सेप्टेम्बर: बान्जायगिरि भारतनि हान्जाया फै गौ नभेम्बर-डिसेम्बर दानआव चेन्नाइ आरो माधुरायआव खुंजानो गोनां जुनियर हौवाफोरनि हकी वर्ल्ड कापआव गावसोरनि गेलेनाय बिथांखिखौ 28 नभेम्बरखालि सिलीनि हेंथायै जागायगोन। थांनाय खेबआव सेम्पियन जानाय जार्मानी आरो खोला आफ्रिकानि गेजेराव माधुरायआव बेखेवजेन्नाय मेचआ जागायगोन। गिबि खेब बे दुर्नामेन्टआव गासै मोन 24 हान्जाफोरा बाहागो जागोन। जेराव दुर्नामेन्टनि मेचआ 28 नभेम्बर-10 डिसेम्बरनि गेजेराव तानिलनाडुनि चेन्नाइ आरो माधुरायआव जागोन। एफआइएइसनि आफादगिरि तैयब इक्राम, तामिलनाडुनि गिबि मन्थि टि उधय निधी स्टालिन, हकी इन्डियानि आफादगिरि दिलिप तिकी आरो नेहाथारि भलानाथ सिंहनि बाहागो जानायाव खुंफुंनाय मोनसे हाबाफारिनि समाव दुर्नामेन्टनि समफारिखौ



फोसावनाय जाबाय। गासै मोन 24 हान्जाफोरनि गेजेराव पाकिस्तानआबो फारिआव दड। जेराव बे हान्जाया 28 नभेम्बरखालि सुइजारलेन्डनि हेंथायै चेन्नाइआव गिबि मेच गेलेगोन। नाथाय पाकिस्तानआ थांनाय एप्रिल दानआव पेहेलगामआव उतखारि गाग्लोबनायनि उनाव भारतीय रैनियानि अपारेसन सिन्दुरनि जाउनाव माखासे रैखाथियारि जाहोननि थाखाय बिहारनि राजगीरआव जालांनाय एसिया कापआव बाहागो जाफैयाखै। जेराव भारतआ खोला करियाखौ 4-1 गलआव फेजेन्नाएँ एसिया कापनि बिमुं देरहानायजों लोगोसेनो फैगौ बोसोराव खुंजानो गोनां वर्ल्ड कापनि

आसामनि आइजोफोरनि हान्जाया नेसनेल फुटबलआव फाइनाल राउन्डसिम सौहैबाय



गुवाहाटी, 9 सेप्टेम्बर: आसामनि आइजोफोरनि हान्जाया गावसोरनि देरहानाय बिथांखिखौ फारियै लाखिनो हानानै 30 थि सिनियर अमेन्स नेसनेल फुटबल सेम्पियनसिपनि फाइनाल राउन्डसिम सौहैबाय। गावसोरनि फाइनाल राउन्ड रबिन लीग मेचआव आसामनि हान्जाया गोखोडै दिन्थिफुनो हादों। जायनि फारिआव आसामआ बान्जायगिरि महरै अरुनाचल प्रदेशखौ फाइनाल गुपनि इन्काउन्टरआव 3-0 गलआव फेजेन्नो हादों। आसामनि जानानै बे मेचआव किरन बाला सानुआ 15 मिनिटआव गिबि गल सोनो हादों। जायनि उनाव नैथि हाफआव आसामनिफ्राय अपुर्न नार्जारिआ 51 मिनिटआव स्करलाइनखौ फाननै खालामदों। बे मेचनि फाइनाल गलआ 66 मिनिटआव फैदों, जेराव हान्जानिफ्राय रज्जना सानुआ गल

सोदों। बे देरहानायजों आसामआ मोजां दिन्थिफुंनाय रेकर्डजों गासै खेबथाम मेचआव 9 पइन्टजों गुप-इआव टप मासिआव थादों। बेनि सिगां आसामआ गावसोरनि खेबनै मेचआव मिजयम आरो त्रिपुराखौ फेजेन्नो हादों।

हंकं सुपार 500 आव भारतनि हान्जाखौ सात्विक-सिरागआ दैदेनगोन



गोदान दिल्ली, 9 सेप्टेम्बर: वर्ल्ड सेम्पियनसिपआव बावैसो सान सिगां ब्रन्ज मेडेल देरहानाय सात्विक-साइजय रेन्किरेड्डि आरो

थाखायबो क्वालिफाइ जायो। जुनियर वर्ल्ड कापआव भारत-पाकिस्ताननि हान्जाया 29 नभेम्बरखालि चेन्नाइआव गिबियै बादायगोन। जेराव 2 डिसेम्बरखालि चेन्नाइआव भारतआ सुइजारलेन्डजों गेलेगोन। गासै मोन 24 हान्जाफोरखौ 4-4 हान्जानि मोन 6 पुलआव बोखावनाय जादों। जायनि फारिआव पाकिस्तान, सिली आरो सुइजारलेन्डजों लाखिजादों।

भारतआ सिएएफए नेसन्स कापआ अमानखौ फेजेन्टों

गोदान दिल्ली, 9 सेप्टेम्बर: ताजिकिस्ताननि हिसर सेन्टेल स्टैडियामाव बादायलायनाय सिएएफए नेसन्स काप 2025 नि 3थि मासिनि प्लेअपआव भारतआ अमानखौ फेजेन्टों। बे मेचआव 120 मिनिटसिम बादायलायनाय उनावबो मोनै हान्जानि स्करआ 1-1 आव समानाव थाहैदों, जायनि उनाव पेनाल्टि सुटआउटआव भारतनि हान्जाया 3-2 गलआव देरहादों। भारतआ 31 बोसोरनि उनाव अमानखौ फुटबल मेचआव फेजेन्टों। भारतनि हान्जाया आबुं मेचनि समाव गोखोडै दिन्थिफुंदों, जेराव पेनाल्टि सुटआउटआव भारतआ साबसिन रेंकिनि अमानखौ फेजेन्नो हादों। लालियानजुवाला चांतेआ गिबि पेनाल्टिआव आगसि कर्नारजों गल सोदों। अमानआ बेनि उनाव गल सोनो नाजाफिनायाव फेलें जादों।

एसिया काप देरहानायाव बिहारनि गिबि मन्थिआ साफ्रोम गेलेगिरिफोरनो 10 लाख रडारि बान्था फोसावदों

राजगीर, 9 सेप्टेम्बर: बिहारनि गिबि मन्थि नितिश कुमारआ हिर' एसिया काप 2025 आव देरहानाय भारती हकी हान्जानि साफ्रोम सोद्रोमानो 10 लाख रडारि बान्था फोसावदों। जेराव बिथाडा हान्जानि साफ्रोम हेफाजाबयारि सोद्रोमाफोरनो 5 लाख रां होनो फोसावदों। मख'नाय जायोदि, भारतनि हान्जाया राजगीरआव जालांनाय हिर' एसिया कापआव करियाखौ 4-1 गलआव फेजेन्टों। जायनि उनाव नितिशआ एक्सआव राजगीरआव थानाय स्टेट गेलेमु एकाडेमिआव जालांनाय एसिया कापआव भारतनि देरहानायखौ लानानै गोग्गानाय आरो साबायख'र होदों। सिगां फासै बिथाडा बे कापआव देरहानाय साफ्रोम गेलेगिरि आरो हान्जानि सोद्रोमाफोरनो माननि रडारि बान्था होनो फोसावो। लोगोसे



हान्जानिसिम इयुन गोजोननि थाखाय हामलायथि हरो। मख'नाय जायोदि, भारतनि हौवाफोरनि हान्जाया राजगीर स्पर्टस कमप्लेक्सआव करियाखौ 4-1 गलआव फेजेन्नानै नख'रारि

अन्सायगिरिफोरनि गेजेराव जर'खा रंजानाय लाबोयो।

जेराव गोलाव 8 बोसोरनि उनाव गावसोरनि सिमांखौ

अल्कारेजआ फिन नम्बर 1 मासिआव जायगा मोनफिनबाय

माड्रिड, 9 सेप्टेम्बर: स्पेननि स्टार गेलेगिरि कार्लस अल्कारेजआ फिन मुलुगनि नम्बर 1 सिंगेल हौवा गेलेगिरि जानो हाबाय। हौवाफोरनि टेनिसनि मुलुगनाडारि फसंथान एटिपनि गोदानै फोसावनाय रेंकिआव अल्कारेजआ 11540 पइन्टजों नम्बर 1 आव सौहैदों, जेराव बिथाडा बे फारियाव मोनसे मासिनि खाबु मोन्दों। बिथाडा बोसोरनि जोबथा ग्रेन्डस्लेम इउएस अपेनाव यानिक सिनारखौ फेजेन्नानै बे मासिखौ मोन्दों। बेराफासै, सिनारआ 10780 पइन्टजों नैथि मासियाव जायगा मोन्दों। इउएस अपेन 2025 खौ देरहानाय सिगां अल्कारेजआ 2022 आवबो बे दुर्नामेन्टनि बिमुंखौ देरहादों। बेनि सिगां अल्कारेजआ खेबब्रै गुबुन गुबुन समफोराव नम्बर 1 मासिआव जिरायनो हाखांबाय। जोबथा फेजेन्टोंब्लाबो इरानजों 0-3 स्करआव जेन्नांदों आरो आफगानिस्तानजों 0-0 स्करआव डू' जादों।



इउएस अपेननि फाइनालाव बिथाडा सिनारखौ खेबब्रै सेटआव 6-2, 3-6, 6-1, 6-4 स्करआव फेजेन्टों। जेराव बे देरहानायजोंनो अल्कारेजआ बोसोरनि नैथि ग्रेन्डस्लेम देरहादों आरो सिनारखौ एटिपि रेंकिआव गाखलायदों। हौवाफोरनि रेंकिआव नभाक जकभिसनि फारियाव गुबुन मोखां फैनाय नुनो मोन्दों। बिथाडा सेमिफाइनालसिम सौहैदोंब्लाबो बैयाव अल्कारेजजों जेन्नांदों, नाथाय बेसिम सौहैनायाव बिथाडा 700 पइन्ट मोन्नायजों

जाफु'होनायनि गेजेरजोंनो भारतआ नेडारलेन्ड आरो बेल्जियमआव खुंजानो गोनां वर्ल्ड काप 2026 नि थाखायबो क्वालिफाइ जायो। भारतनि हान्जाया जोबथा खेब 2017 आव ढाकाआव एसिया काप बिमुं देरहादोंमोन। फाइनालनि बादायनायाव भारतनि थाखाय दिलप्रोट सिंहआ 28 आरो 45, सुखजित सिंहआ 1 आरो अमित रहिदासआ 50 मिनिटआव गल सोदों। बे देरहानायनि उनाव हकी इन्डियाआबो साफ्रोम गेलेगिरिफोरनो 3 लाख रां आरो सापर्ट स्टाफनो 1.5 लाख रां फोसावदों।

मोनब्रै मासि आवगायनानै नम्बर 4 आव सौहैदों। जार्मननि आलेक्जेन्डर ज्वेरेभआ थामथि मासियाव जायगा मोन्दों। आइजोफोरनि टेनिस एस'सिएसन थामहिनबा डब्लिउटिप् रेंकिआव बेलारुसनि आर्जना सबालेन्काआ देरहानायजों गावनि नम्बर 1 मासिखौ गोखोडै खाबथाना लाखिदों, जेराव फाइनालाव बिथाडा अमेरिकानि अमान्डा अनिसिमभाखौ 6-3, 7-6 (3) स्करआव फेजेन्टों आरो 11225 पइन्टजों नम्बर 1 आव थाहैदों।

STATE ELECTION COMMISSION, ASSAM

राज्य निर्वाचन आयोग, असम

राइज्योआरिबिसायख थि आयग, आसाम

STATE ELECTION COMMISSION, ASSAM

अज 'द सुफुंनाय पर्टेल बिटिसि बिसायख थि, 2025

अज 'द सुफुंनाय पर्टेलनि गेजेरजों 2025 माइथायनि बिटिसि बिसायख थिनि मडेल कड अफ कन्डाक्टनि नेम-खान्थिफोरखौ नेवसिदोंब्ला रिपर्ट होनो हागोन। थि समनि गेजेराव सावगारि सेबखांनाय/भिडिअ' सेबखांनाय रोखा फोरमानजों अज 'दखौ गथायनो हागोन। नोंथांनि राव होनाया बिसायख थिखौ उदां आरो गाहामै-गाहाम खुंनायाव हेफाजाब खालामगोन।

https://grievancesec.assam.gov.in/

फोरस्माथाइ आरो सुबुं फोनांजाब सामलायख' आसामजों फोसाव जानाय जोंजों फोनांजाब @diprassam dipr.assam.gov.in

आसाम बार्ता साबस्क्राइब खालामनो 'Assam' लिस्नानै 7636834943 आव वाटसआप खालाम

DIPR/D/BSA/166/10-Sep-25

Owned, printed and published by Garkhwdao Basumatary from Maibong Nwgwr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwjwnpuri, P.O. & Dist. Kokrajhar, B.T.C, Assam; Phone & Fax No : 03661-276785; E-mail: bodosa@gmail.com, bodosa_daily@yahoo.co.in; Editor : Baburam Basumatary, Executive Editor : Mwgthang Basumatary

CYMK

CYMK